

康熙四十九年奉

恩詔明年爲康熙五十年思沛大恩以及吾民直隸奉天浙江福建廣東廣西四川雲南貴州各巡撫及府尹所屬除漕項錢糧外康熙五十年應徵地畝銀共七百一十二萬六千一百兩有奇人丁銀共一百一十五萬一千兩有奇歷年舊欠共一百一十八萬五千四百兩有奇俱著免徵其餘應蠲省分次第遵行

雍正七年四月二十六日 巡撫四川提督軍務都察院右僉都御史憲德

合江縣志

卷之三十三

蠲政

十八

題爲

聖旨溥博如天等事瀘州里民王在廷等先經具呈樂輸軍需米石一案臣將未經允其所請緣由據實陳奏仰荷

皇仁廣被著照崇慶州之例將瀘州雍正七年額徵錢糧全行豁免臣接准部咨隨卽差成都府理事同知德爾格前詣瀘州廣行宣布並令該地方官親歷四境遍加曉諭務使窮鄉僻壤共曉

恩綸咸沾實惠茲據市政使趙宏恩詳准永甯道劉嵩齡

移據代辦瀘州合江縣江聯輝詳據本州紳衿士庶余遐福等呈稱竊惟萬方惟正之供乃國家之大計九土輸將之職爲臣庶之常經福等咸願公捐軍米不敢支領倉儲農有餘夫正可以輓輸自効民多餘力何曾以負戴爲勞論小民之報効猶未竭夫涓埃乃

皇上之恩膏更莫窺其高厚寸絲斗粟悉酬婦子之勞蠲稅除租咸荷

君王之賜從此千家澤潤萬姓春生矣聞崇慶州士庶以

恩免錢糧願將雍正五年自首已徵在官寬至雍正七年起科之糧仍於本年抵銷並現年自首尙未查丈定數之糧一體輸納公懇在案福等亦照崇慶州民之請情願一體完納等情理合恭疏代題伏祈

皇上睿鑒施行雍正七年六月初一奉

旨崇慶州已徵之糧留抵庚戌年正課其丈量未畢者亦俟庚戌年輸納已有旨了這所請瀘蜀願輸錢糧著照崇慶州之例行該部知道

雍正七年閏七月奉

上諭數年以來甘肅四川雲南貴州廣西五省有用兵西藏及勦撫苗蠻等事其一應軍需皆動用公帑備辦秋毫不派及於民間而糧餉轉輸亦有資於民力今藏地苗疆俱已甯謐朕心嘉慰特浦恩膏著將庚戌年五省額徵地丁銀兩悉行蠲免

乾隆元年六月十三日奉

上諭朕聞四川叙州府屬之南溪縣直隸瀘州並所屬之納谿江安合江三縣及九姓長官司又叙永廳並所屬

合江縣志

卷之三十三

蠲政

二十

之永甯縣等處於本年三月初六夜偶遇風雹民間田苗屋舍多所傷毀此等被災窮黎深宜軫恤著戶部行文該撫楊秘將該地方本年應徵錢糧概行蠲免倘有已經完納者准抵明年應徵之項至從前未完尾欠並令緩徵俟來年再令輸納以示朕惠養川民之至意

乾隆十一年奉

上諭四川雲南貴州等省應徵地丁錢糧通行蠲免餘省次第施行

乾隆十三年奉

上諭四川金酋不法大兵勦撫一切軍需雖皆動支國帑而轉運飛芻不能不需用夫役借資民力所有十三年應徵地丁錢糧著緩徵

乾隆十四年奉

上諭令四川總督臣將辦過夫米各州縣於凱還之日查明等次奏請加恩瀘州並屬列居三等十三年錢糧於十四年補行蠲免十分之五

乾隆三十五年奉

上諭自乾隆三十五年爲始將各省應徵錢糧通行蠲免

合江縣志

卷之三十三

蠲政

二十一

一次其如何分年遞蠲之處著大學士會同該部卽速詳議具奏欽此經大學士等議奏分作三年扣蠲除蘆課漕項錢糧不在蠲數外計直省地丁錢糧額銀共二千七百九十四萬有奇內直隸河南安徽湖北湖南貴州雲南等七省地丁錢糧共銀九百七十二萬四千四百兩有奇於三十五年蠲免江蘇江西福建陝西甘肅廣東廣西四川等八省地丁錢糧共銀九百四十九萬四千三百兩有奇於三十六年蠲免奉天山東山西浙江等四省地丁錢糧共銀八百七十二萬七千八百兩

有奇於三十七年蠲免又戶部奏准貴州地丁項下改徵備支兵糧米三萬三千六百石有奇原係地丁款內改徵之項准同地丁銀兩一體蠲免等因欽此

乾隆四十二年奉

上諭前因

聖母萬壽特宏錫類之仁普蠲各直省錢糧以昭慶惠朕本欲俟恭祝

聖母九旬萬壽之年再普恩施一次茲者

仙馭升遐此後更無可推廣

合江縣志

卷之三十三

蠲政

廿二

慈仁之處現在部庫帑項及積至七千餘萬著再加恩自戊戌年爲始普蠲天下錢糧仍分三年輪免俾寰宇億兆人民仍得共被

□恩永申感慕而朕終天罔極之忱雖不能仰酬萬一庶幾藉茲稍展其如何輪派年分著戶部卽速悉心核奏遵行欽此經戶部議奏除蘆課漕項錢糧不在蠲數外計直省地丁錢糧額銀共二千七百五十九萬兩有奇內直隸江蘇安徽四川陝西甘肅雲南貴州等八省地丁錢糧共銀九百二十八萬有奇於四

十三年蠲免山東浙江江西湖北湖南等五省地
丁錢糧共銀九百四十七萬六千兩有奇於四十
四年蠲免奉天並吉林所屬山東河南福建廣東
廣西等六省地丁錢糧共銀八百八十三萬七千
兩有奇於四十五年蠲免
乾隆五十五年奉

上諭今歲朕屆八旬壽辰敷錫兆民普天臚慶特降

恩旨將乾隆五十五年各直省應徵錢糧通行蠲免農民
等皆可均沾惠澤因思紳衿富戶田產較多之家皆有

合江縣志

卷之三十三

蠲政

廿三

佃戶領種地畝按歲交租今業主既概免征輸而佃戶
仍全交租息貧民未免向隅應令地方官出示曉諭各
就業主情願令其推朕愛民之心自行酌量將佃戶應
交地租量予減收亦不必定以限制官爲勉強抑勒務
使力作小民共享盈甯以副朕孚惠閭閻廣宣湛闔至
意欽此

乾隆六十年奉

上諭朕臨御以來勤求民隱日有孜孜惟期藏富於民家
給人足仰荷

昊蒼眷佑

列祖貽庥寰宇昇平重熙累洽行慶施惠闔澤頻加節經
普免天下漕糧三次地丁錢糧四次其餘遇有偏災隨
時蠲賑不下千億萬兩近將各省積欠錢糧概行蠲免
又復數千餘萬兩所以子惠元元休養生息者至周且
渥今朕紀年慶符周甲丙辰元旦舉行歸正典禮爲嗣
皇帝登極初元大廷授受篤祐延釐實爲曠古吉祥盛
事允宜廣沛恩綸俾薄海羣黎共沾湛愷本欲於新正
傳位後降旨但思二月間卽屆開徵之期恐遠省接奉
合江縣志

卷之三十三

蠲政

廿四

稍遲着卽將嘉慶元年各直省應徵地丁錢糧通行蠲
免以示朕於嗣皇帝愛育閭閻同沛恩施至意其如何
按年輪免之處該部查照向例核議具奏施行欽此欽
遵

乾隆六十年九月內奉

上諭前經降旨普免天下積欠令各該督撫查明具奏節
據各督撫等查奏各省未完節年地耗正糧等項共銀
一千七百十餘萬兩糧穀等項三百七十五萬餘石零
俱已加恩全行豁免內奉天江西四川湖南貴州廣西

等省向俱年清年款並無積欠朕臨御六十普免錢糧四次漕米三次其餘水旱偏災蠲賑兼施所費帑金不下億萬所以藏富閭閻爲兆民謀生計者無微不至此等年清年款省分小民踴躍急公輸將恐後今轉以並無積欠未得一體邀恩不足以昭平允所有奉天山西四川湖南貴州廣西向無積欠六省着加恩於下年正賦寬免十分之二該督撫等務宜董率所屬均勻減免酌定章程報部查核以副朕愷澤平施恩加無已至意欽此

合江縣志

卷之三十三

蠲政

廿五

嘉慶六年四月十六日奉

上諭勒保奏四川省捐輸銀數請將嘉慶七年應徵地丁錢糧分別蠲免等語此次辦理津貼非正供可比該省民人誼切桑梓急公尙義實屬可嘉着加恩照勒保所請之數遞行加增所有遂甯等十六縣着蠲免十分之四大邑等十三州縣着蠲免十分之三成都等五十七廳州縣着蠲免十分之二以示獎勵該部知道摺單併發欽此

嘉慶六年十一月十三日奉

上諭勦辦教匪以來所有陝甘四川湖北省各州縣被賊蹂躪之區及四川省津貼各州縣節經降旨分別加恩現在大功卽日告藏自應疊沛恩施以紓民力着該督撫查明所屬州縣內其被賊之久暫與受害之輕重及州縣津貼之多寡分晰開單詳悉奏聞候朕另降恩旨將此附報更諭令知之欽此

嘉慶七年三月奉

上諭前因勒保奏川省各州縣民人誼切同仇情願續輸津貼銀兩以備賞需之用甚屬急公可嘉當卽降

合江縣志

卷之三十三

蠲政

廿六

旨令勒保查照上年恩旨再將應征地丁錢糧奏請分別蠲免該省人民倡議續捐之時勒保若行具奏請旨朕必不允所奏因人民等業已續捐自不得不俯如所請現據勒保覆奏辦理津貼各州縣分別銀數多寡並蠲免分數開列清單進呈著照單開各屬所有此次捐輸津貼銀兩較多之溫江新繁郫縣灌縣彭縣崇甯崇慶什邡仁壽安縣綿竹宜賓富順南溪永川江津榮昌綦江南川銅梁大足璧山三臺中江遂甯樂至安岳眉州犍爲榮縣威遠大邑瀘州等

三十三州縣著加恩蠲免地丁十分之三其華陽簡州漢州資州內江資陽井研慶符長甯高縣筠連興文屏山叙永巴縣射洪鹽亭蓬溪彭山丹稜青神樂山峩眉洪雅夾江邛州蒲江合江江安雅安天全名山榮經等三十三廳州縣著加恩蠲免地丁十分之二成都雙流金堂新都綿州德陽馬邊廳珙縣隆昌永甯新津合州西陽秀山黔江彭水石碛廳江油渠縣彰明營山蘆山岳池鹽源會理等二十五廳州縣著加恩蠲免地丁十分之一以示獎勵單並發至川

省辦理軍務經朕節次頒發帑銀源源接濟可無藉民力現在大功將次告藏一切善後需用之項均屬充裕除此次續輸津貼銀兩業以加恩分別蠲免外嗣後該省民人無庸復請捐輸並不得再有津貼名目該督應飭令地方官一體凜遵毋得藉端滋擾欽此

乾隆三十六年地丁全免次年帶征火耗四十三
年地丁全免次年帶征火耗五十七年地丁全免
次年帶征火耗